

REGLUGERÐ

um (1.) breytingu á reglugerð nr. 479/1995 um varnir gegn því að dýrasjúkdómar berist til landsins og um takmörkun á innflutningi afurða dýra, sem fengið hafa vaxtaraukandi efni.

1. gr.

Eftirfarandi breytingar verða á 3. gr.:

1. Staflíður i orðast svo:

Notaðar landbúnaðarvélar og áhöld, þar með taldar hestakerrur.

2. Nýr staflíður k orðast svo:

Leiki rökstuddur grunur á því að aðrar notaðar vélar og tæki hafi verið notuð í landbúnaði skal yfirdýralækni tilkynnt um innflutninginn. Ekki skal afgreiða vöruna fyrir en yfirdýralæknir hefur gefið samþykki sitt.

2. gr.

Reglugerð þessi er sett samkvæmt heimild í lögum um dýralækna og heilbrigðisþjónustu við dýr nr. 66/1998, með síðari breytingum, lögum um framleiðslu, verðlagningu og sölu á búvörum nr. 99/1993, með síðari breytingum, og lögum um dýrasjúkdóma og varnir gegn þeim nr. 25/1993 með síðari breytingum og í samræmi við tilskipun nr. 98/34/EB um reglur um tilhögun upplýsingaskipta vegna tæknilegra staðla og reglugerða og öðlast gildi þegar í stað.

Landbúnaðarráðuneytinu, 25. október 2000.

Guðni Ágústsson.

Ingibjörg Ólöf Vilhjálmstöttir.

AUGLÝSING

um deiliskipulag og breytingu á deiliskipulagi í Reykjavík.

Kleppsvík, Kjalarvogur 16 – breytt deiliskipulag.

Í samræmi við skipulags- og byggingarlög hefur borgarráð Reykjavíkur þann 26. september 2000 samþykkt breytingu á deiliskipulagi fyrir Kjalarvog 16.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

Laugardalsvöllur – breytt deiliskipulag.

Í samræmi við skipulags- og byggingarlög hefur borgarráð Reykjavíkur þann 19. september 2000 samþykkt breytingu á deiliskipulagi suð-vestur hluta Laugardalsvallar.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

Hraunbær/Bæjarháls, lóðir B, C og D – breytt deiliskipulag.

Í samræmi við skipulags- og byggingarlög hefur borgarráð Reykjavíkur þann 18. júlí 2000 samþykkt breytingu á deiliskipulagi fyrir miðsvæði við Hraunbær/Bæjarháls ásamt lóð fyrir skátaheimili.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

Hádegismóar – deiliskipulag.

Í samræmi við skipulags- og byggingarlög hefur borgarráð Reykjavíkur þann 21. september 2000 samþykkt deiliskipulag fyrir athafnasvæði Hádegismóa austan Suðurlandsvegur.

Uppdrættir hafa hlotið þá meðferð sem skipulags- og byggingarlög mæla fyrir um. Skipulagið öðlast þegar gildi.

Reykjavík, 24. október 2000.

Þorvaldur S. Þorvaldsson skipulagsstjóri.

AUGLÝSING

um ógildingu á deiliskipulagi í Vatnsleysustrandarhreppi.

Hér með tilkynnist að deiliskipulag við Akurgerði, Vogagerði og Brekkugötu hefur verið fellt úr gildi skv. úrskurði úrskurðarnefndar byggingar- og skipulagsmála dags. 3. ágúst 2000.

Vogum, 24. október 2000.

F.h. sveitarstjórnar,

Jóhanna Reynisdóttir sveitarstjóri.

AUGLÝSING

um deiliskipulag austan Þverkletta, Egilsstöðum, Austur-Héraði.

Með vísan til skipulags- og byggingarlaga nr. 73/1997 og gr. 6.4. í skipulagsreglugerð nr. 400/1998 er hér með auglýst nýtt deiliskipulag á svæðinu austan Þverkletta á Egilsstöðum. Svæðið takmarkast af Norðfjarðarvegi að sunnan, Seyðisfjarðarvegi að austan og af götunni Skógarlöndum að norðan.

Deiliskipulagið ásamt skilmálum var samþykkt af bæjarstjórn Austur-Héraðs þann 20. júní 2000. Skipulagsstofnun hefur heimilað auglýsingu þess, sbr. bréf stofnunarinnar dags. 7. júlí 2000.

Því er hér með auglýst að deiliskipulag fyrir svæðið austan Þverkletta tekur gildi frá og með birtingardegi auglýsingar þessarar.

Egilsstöðum, 23. október 2000.

F.h. bæjarstjórnar Austur-Héraðs,

Þórhallur Pálsson forstöðumaður umhverfissviðs.